



#### **Bainvgnü ed introducziun - Brigitta Enkerli**

La nouv'eletta commembra da la suprastanza cumünala, Brigitta Enkerli da Zernez es gnüda introdüta illa suprastanza cumünala, cun muosar via sün drets e dovairs ed impustüt sül secret d'uffizi, chi vala per tuot ils gremis e'l personal cumünal.

#### **Cumischiuns e delegaziuns cumünalas - sortida Martina Peretti ed entrada Brigitta Enkerli per la mità da l'on 2020**

La suprastanza cumünala ha decis sur dal scumpart da commembranzas, delegaziuns e rapreschantanzas in cumischiuns e gremis davo la sortida da Martina Peretti e l'entrada da Brigitta Enkerli.

#### **CUMISCHIUNS**

Cumischiun da fabrica	presidi	Peretti Martina	surdatta per 30-06-2020
Cumischiun da planisaziun		Enkerli Brigitta	surtutta per 01-07-2020
Cumischiun da planisaziun da quartier Ils Muots			
Cumischiun da planisaziun da quartier Ruzön III			
Cumischiun da planisaziun d'areal Cul			
Cumischiun da planisaziun d'areal Pragliver (arsenal)			

#### **DELEGAZIUNS**

EE-Energia Engiadina	delegada	Peretti Martina	surdatta per 30-06-2020
CEE		Seraina Bickel	surtutta per 01-07-2020

#### **RAPRESCHANTAZIUNS**

OESS SA Susch	rapreschantanta dal acziunari principal	Peretti Martina	surdatta per 30-06-2020
		Brigitta Enkerli	surtutta per 01-07-2020

#### **Avegnir cumischiun chüra d'aspet**

In seguit al fat cha l'administraziun da fabrica e la cumischiun da fabrica cumünala lavuran fingià daspö ons insembel culla cusgliadra da fabrica Mengia Mathis e vi e plü pac cun la cumischiun cumünala per la chüra d'aspet ha la suprastanza cumünala decis da schoglier quista cumischiun per subit. Als commembers Rudolf Bühler e Gion Pitschen Bott va ün grond grazcha fich per la lavur prestada pel cumün.

#### **Plazza da volver per l'auto da posta sül Pass dal Flüela**

Per l'organisaziun da quista plazza haja fat dabsögn da decisiuns politicas per plazzar las tablas da trafic correspondentas.

#### **Chasin Chantun [gvg no.55 ], Susch - dumonda per cumprar d'üna persona privata**

La suprastanza cumünala ha decis da vulair proseguir culla vendita da quist edifizii chi nu vain plü dovrà per l'adöver cumünal. Ella vuol però publicar ün inserat da vendita, uschè cha minchüna e minchün interessà ha la pussibilità da tour part ad üna cumpra.

#### **Ledscha da pulizia - seguond sböz**

La suprastanza cumünala ha manà tras manüdamaing üna seguonda lectüra dal sböz da la ledscha cumünala da pulizia chi'd es gnü preparà da la secziun da las Gestions Tecnicas. I sun gnüts discutats divers puncts. Uossa vegn la ledscha preparada in ün sböz definitiv cha la suprastanza cumünal gnarà a preschantar a la radunanza cumünala e lura a la votaziun a l'urna. Implü ha da gnir preparà ün sböz d'ün'ordinaziun correspondententa, per cha la votanta e cha'l votant as possa far ün purtret che chi tilla/til spetta.

#### **CSEB - convegna da prestaziun pel sector da sandà illa regiun**

La convegna da prestaziun gnüda preschanteda dal CSEB, chi cumpiglia uossa eir la spüerta da l'anteriura chasa da chüra Asil Punt Ota a Scuol, es gnü elavurà e decis da preschantar a la radunanza cumünala dals 19 avuost 2020.

#### **Radunanza cumünala - tractandas definitivs dals 19 avuost 2020**

Sco gremi respunsabel ha la suprastanza cumünala sancziunà la glista da tractandas da la prosma radunanza cumünala chi ha lö als 19 avuost 2020 a Lavin, causa mancanza da localitats a Zernez e causa las prescripziuns in connex cun COVID-19.